



Број: 01,02,03,03/11-05-1-1549/23

Сарајево: 25. 9. 2023

IZVJEŠTAJ SA 9. KONFERENCIJE MLADIH PARLAMENTARACA IPU-a, HANOJ, OD 14. DO 18. SEPTEMBRA 2023.

Poslanici iz Predstavničkog doma Parlamentarne skupštine BiH: Miroslav Vujičić, Ermina Salkičević-Dizdarević i Darijana Filipović učestvovali su na 9. globalnoj konferenciji mladih parlamentaraca IPU-a, koja je u organizaciji Interparlamentarne unije i Narodne skupštine Vijetnama održana od 14. do 18. septembra 2023. u Hanoju. U delegaciji su još bile Jelena Rajaković, šefica Odjela za bilateralne односе, i Nataša Čabak, prevoditeljica.

Glavna tema konferencije bila je uloga mladih u ubrzavanju postizanja ciljeva održivog razvoja kroz digitalnu transformaciju i inovacije.

Konferencija je imala cilj da podstakne mlade ljude koji su na liderskim pozicijama da daju puni doprinos pozicioniranju digitalne transformacije i tehnoloških inovacija, kako bi se ubrzao napredak u oblasti održivog razvoja, ekonomskog rasta, mira, borbe protiv klimatskih promjena, obrazovanja i rodne ravnopravnosti. Na konferenciji je istaknuto da poslanici u parlamentima zemalja članica IPU-a moraju biti svjesni moći tehnologije i digitalnog uticaja na promjenu svijeta, te da kroz procese donošenja odluka i zakona treba da doprinesu modernizaciji procesa u društvu.

Poslanicama je pružena podrška da kroz parlamentarne procedure i metode rada omoguće veće virtuelno učešće članova parlamenta kroz interaktivne platforme, čime bi se olakšala direktna komunikacija između birača i poslanika.

Sugerirano je da se parlamentarcima osigura neophodna obuka i tehnička podrška kako bi u potpunosti učestvovali u onlajn procesima. Preporučeno je da se kao podrška poslanicama koriste alati vještačke inteligencije kako bi se unaprijedio kvalitet zakonodavnog rada.

U ime Delegacije PSBiH u debati „Poštivanje kulturne raznolikosti kao podrške održivom razvoju" govorila je Ermina Salkičević-Dizdarević i tom prilikom istakla značaj ekonomskog razvoja i njegove uloge u malim ekonomijama poput naše.

Ona je naglasila neophodnost ispunjavanja Ciljeva održivog razvoja, posebno iz poglavlja 16 (vladavina prava) i poglavlja 8 (inkluzivni i održivi ekonomski rast).

S obzirom na to da su digitalne transformacije bile bitna tema cijele konferencije i da su se neki od panelista posebno osvrnuli na ulogu vještačke inteligencije kao alatke u realizaciji određenih zadataka, delegacija PSBiH govorila je o značaju povjerenja u odnosima među ljudima, koji se razvijaju direktnim kontaktom, a ne putem socijalnih mreža i korištenja vještačke inteligencije.

Ovaj stav bh. delegacije posebno je naglašen u završnim zaključima konferencije gdje je izlaganje poslanice Ermine Salkičević-Dizdarević citirano u tom dijelu. Tokom panela Delegacija PSBiH dobila je pohvalu od paneliste dr. Mauricija Bona, bivšeg savjetnika direktora CERN-a i aktuelnog profesora na Univerzitetu u Paviji (Italija), koji je delegaciji PSBiH izrazio zahvalnost za kvalitetan doprinos konferenciji, a u svom završnom obraćanju tokom panela naglasio koliko je značajan koncept povjerenja koji je Delegacija PSBiH u svom obraćanju istakla.

Učesnici konferencije pozvani su da usvoje zakone i politike koje će pomoći da se ispune digitalne praznine i obezbijedi zakonski okvir za međunarodnu saradnju u zaštiti digitalnog suvereniteta svake zemlje u oblasti sigurnosti, zdravstvenog sistema, okoliša i održivog razvoja.

Od učesnika je zatražen angažman u podršci razvoju startup-kompanija u svojim zemljama, kao i osiguravanju potrebne edukacije za pripremu novih generacija inovatora i privrednika sa istaknutim digitalnim vještinama.

Naglašena je potreba jačanja veza između naučne zajednice i parlamenata kako bi se dao mnogo veći značaj nauci i omogućilo da naučni procesi u oblasti novih tehnologija doprinesu uspostavljanju mira i ukupnom razvoju društva, ekonomije i održivog razvoja. Zaključeno je da parlamenti treba da odigraju bitnu ulogu u izgradnji i unapređenju odgovornog i etičkog pristupa razvoju i primjeni tehnologije.

Na konferenciji je učestvovalo više od 300 poslanika u okviru 60 parlamentarnih delegacija iz država širom svijeta, uz prisustvo visokih zvaničnika Interparlamentarne unije, Ujedinjenih naroda i brojnih međunarodnih nevladinih organizacija.

Deveta globalna konferencija mladih parlamentaraca IPU-a bila je posvećena parlamentarnim akcijama za promoviranje uloge mladih u ubrzavanju postizanja ciljeva održivog razvoja kroz

digitalnu transformaciju, inovacije i obuhvatila je tri teme: Digitalnu transformaciju, inovacije i startupove te promoviranje poštivanja kulturne raznolikosti kao podrške održivom razvoju.

ŠEFICA ODJELA
ZA BILATERALNE ODNOSE

Jelena Rajaković

*Izvještaj odobrio Miroslav Vujičić, poslanik u Predstavničkom domu PSBiH i prvi zamjenik predsjedavajućeg Delegacije PSBiH u IPU-u

Dostaviti:

- Kolegiju Predstavničkog doma
- Kolegiju Doma naroda
- Komisiji za vanjske poslove Predstavničkog doma
- Komisiji za vanjsku i trgovinsku politiku, carine, saobraćaj i komunikacije Doma naroda
- Kolegiju Sekretarijata
- Sektoru za međunarodne odnose i protokol

Kopija: Ministarstvo vanjskih poslova BiH